

Ժողովուրդ

85
(2751)

14 հունիսի չորեքշաբթի 2023
տպագրության ժԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՓԱՇԻՆՅԱՆԻ «ՎԱԽԵԲԸ» ՈՉ ՈՔԻ ՉԵՆ ՎԱՏԱՐՈՒՄ



«Քաղաքացիական պայմանագիր» կուսակցության վարչության նախագահ Նիկոլ Փաշինյանի հետ հանդիպումներն իսկական փորձություն են գլխացավանք են «Քաղաքացիական պայմանագիր» խմբակցության պատգամավորների համար:

«Ժողովուրդ» օրաթերթի տեղեկություններով՝ ամեն անգամ, երբ իշխող ֆրակցիայի պատգամավորները հանդիպում են Նիկոլ Փաշինյանի հետ, նիստ են անում, վարչապետի անվտանգության աշխատակիցները պահանջում են, որ պատգամավորների հեռախոսները եւ «խելացի» ժամացույցները հավաքվեն:

Հավանաբար, Փաշինյանն այնքան է երկյուղում, որ անգամ չի վստահում իր թիմակիցներին:

«Ժողովուրդ» օրաթերթի այս լուրը հաստատեց նաեւ ԱԺ ԲՊ խմբակցության պատգամավոր Հովիկ Աղազարյանը՝ պարզաբանելով. «Այո, նիստերից առաջ պատգամավորների հեռախոսները հավաքում են: Եթե ժամացույց ասելով՝ նկատի ունեք «խելացի» ժամացույցները, այո, դրանք էլ են հավաքում»: Աղազարյանը բացատրեց, որ ԱԺ պատգամավորներից հեռախոսները հավաքելու պատճառն այն է, որ «նրանք չըզեղվեն, կենտրոնանան նիստում քննարկվող հարցերին եւ «Տիկ-Տոկ» չմտնեն»: Փաստորեն, ԲՊ-ականները, ըստ ԲՊ խմբակցության պատգամավորի, «Տիկ-Տոկ» ժամանցային հարթակի սիրահարներ են ու անգամ վարչապետի հետ հանդիպումների ժամանակ են մտնում: Իսկ իրականում պարզ է, որ, բացի «Տիկ-Տոկ»-ից, Նիկոլ Փաշինյանը չի վստահում սեփական թիմին, եւ իշխանական պատգամավորները ստուգվում են հանդիպումներից առաջ ոտքից-գլուխ:

Նախկին իշխանությունների դեմ կատաղի պայքար ծավալող, ապօրինի ծագման գույքի վերադարձի համար իրավական պրոցեսներ տանող ՀՀ գլխավոր դատախազ Աննա Վարդապետյանը իր թիմը համալրում է նախկինների ընտանիքների անդամներով: Հունիսի 12-ին հայտնի դարձավ, որ Երեւան քաղաքի դատախազ Լիլիթ Գրիգորյանը նշանակվել է գլխավոր դատախազի տեղակալ: Նա համակարգում նոր չէ, երկար տարիներ աշխատել է Երեւան քաղաքի դատախազի տեղակալ, որից հետո նշանակվեց Երեւան քաղաքի դատախազ, իսկ, ահա, հիմա էլ գլխավոր դատախազի տեղակալն է: Տեղեկացանք, որ դատախազի տեղակալ Գրիգորյանի ամուսինը Գեորգ Մարգարյանն է, որը եղել է ՀՀ նախկին զինվորական դատախազ, եւ, ըստ լուրերի, ՀՀ նախկին վարչապետ Վազգեն Սարգսյանի հետ կոնֆլիկտի արդյունքում հեռացրել են նրան համակարգից: Մարգարյանը ազատույնից հետո հանդիպել էր լրագրողների հետ եւ հայտարարել. «Վահան Խորխոռունու սպանության տաք հետքերով բացահայտմանը խոչընդոտել է գլխավոր դատախազի տեղակալներից մեկը» (ի դեպ, «Առավոտին» տրված հարցազրույցում): Նա նշել էր տեղակալի անունը՝ Գագիկ Զհանգիրյան: Այդ հայտարարությունն այդպես էլ իրավական ընթացք չունեցավ, միայն հայտնի է, որ Գեորգ Մարգարյանն իր պաշտոնանկությունից հետո հանդիպել էր ՀՀ նախագահ Ռոբերտ Քոչարյանի հետ, սակայն հանդիպման նպատակի եւ գրույցի մասին մինչ օրս չի հանրայնացել ոչինչ:



2020 թվականի պատերազմի ավարտից հետո մի խումբ քաղաքացիներ, վրդովված ՀՀ վարչապետ Նիկոլ Փաշինյանի նոյեմբերի 9-ի հրադարարի մասին հայտարարությունից, գիշերը Երեւանում զանգվածային անկարգություններ կատարեցին: ՀՀ ազգային անվտանգության ծառայությունում այս դեպքերի մասով բազմաթիվ քրեական վարույթներ կան, որոնցով նախաքննական մարմինը առաջիկայում որոշումներ է կայացնելու: «Ժողովուրդ» օրաթերթին հասած բացառիկ տեղեկությունների համաձայն՝ շատ վարույթներ կկարճվեն, քանի որ 3 տարի անց նախաքննական մարմինը հիմնավոր ապացույցներ չգտավ մեղադրյալների մասով, որ գործը ուղարկի դատարան: Հիշեցնենք, որ 2020 թվականի նոյեմբերի 9-ի գիշերը, երբ հայտնի դարձավ դարաբաղյան պատերազմում հայկական կողմի պարտության եւ հրադարարի եռակողմ հայտարարության ստորագրման մասին, Երեւանում անկարգություններ սկսվեցին, հարձակման ենթարկվեցին Ազգային ժողովի, կառավարության շենքերը: Այս գործով որոշ քաղաքացիներ ազատագրվեցին դատապարտվեցին, իսկ շատերի մասով ԱԱԾ-ում քննությունը շարունակվում է, եւ նախաքննական մարմինը նրանց մեծ մասի մասով գործը կկարճի, քանի որ ապացույցները բավականին թույլ են. խմբով ծեծել են, բայց կոնկրետ ով՝ պարզել չի հաջողվում:



2022-ին ՀՀ-ում կառուցվել, վերանորոգվել, հիմնանորոգվել է 531 կմ ճանապարհ: Այս մասին խորհրդարանում հայտարարել է ՀՀ տարածքային կառավարման եւ ենթակառուցվածքների նախարար Գնել Սանոսյանը այս տարի՝ 2022 թվականի պետական բյուջեի նախագծի կատարողականի քննարկման ժամանակ: Այս ցուցանիշը զիջում է 2021 թվականին արձանագրված ցուցանիշին: «Եթե ընդհանուր պատկերը տանք հիմնանորոգումների, միջին տարածքային այլ նշանակության ճանապարհների մասով, ապա պատկերը հետեւյալն է. ընթացիկ տարում 572 կմ ճանապարհ է կառուցվել, որը բավական լավ ցուցանիշ է: Մյուս կողմից՝ եթե մենք միավորենք սուբվենցիոն ծրագրերով իրականացրած աշխատանքները (այնտեղ նույնպես ունենք ասֆալտապատման եւ սալիկապատման գործընթաց), ապա բոլորը միասին կունենանք 750 կմ», -ասել էր Գնել Սանոսյանը 2021 թվականի դեկտեմբերի 30 -ի կառավարության նիստի ժամանակ: Նկատենք, որ 2018-ի ապրիլին տեղի ունեցած հեղափոխությունից հետո իշխանությունները մշտապես խոսում էին ճանապարհաշինական աշխատանքների մասին եւ հայտարարում, թե Հայաստանն իր պատմության մեջ այնքան ճանապարհ չի նորոգել: Անգամ իրենց խոստումներն ու աշխատանքի շարունակականությունն չեն կարողանում ապահովել: Տեսնում ենք, որ, նախորդ տարվա համեմատ, թվի նվազում ունենք:



ՔԱՂԱՔԱԿԱՆ

ՊԱՐԶԱԲԱՆՈՒՄ

ՊՐՈՌԵԿՏՈՐԸ՝ ՄԿԱՆԴԱԼՆԵՐԻ ՄԱՍԻՆ

«Ժողովուրդ» օրաթերթը գրուցել է Հայաստանի ֆիզիկական կուլտուրայի և սպորտի դեպարտմենտի ինստիտուտի մագիստրանտ գծով դոկտոր Լուսինե Մետիսյանի հետ մի քանի հարց ուրախաբանելու համար:

-Տիկին Ստեփանյան, ճի՞շտ է, որ Դուք նախկին ռեկտորի հետ Սանկտ Պետերբուրգում մասնակցել եք միջազգային կոնֆերանսի և վերադառնալուց հետո եք իմացել ռեկտորի դեմ հայտարարված քրեական հետապնդման մասին:

-Մենք մեկնել ենք միջազգային գիտական կոնգրեսին, որը միավորել է ֆիզիկոսների և սպորտի ներկայացուցիչներին ապրիլի 25-29-ը, որտեղ պարոն խիթարյանը հրավիրված է եղել որպես զեկուցող, ես հրավիրված եմ եղել որպես նստաշրջանի վարող՝ համանախագահող եւ գիտական զեկուցող: Զրավերը եղել է պաշտոնական, եւ հրավիրող կողմը հոգացել է ֆինանսական ծախսերի մի մասը: Մեկնելուց առաջ եւ ընթացքում ընդհանրապես ոչ մի տեղեկություն չենք ունեցել քրեական գործի վերաբերյալ: Խոսեմ իմ անուսից. ես քրեական գործի մասին տեղեկացել եմ ամսի 2-ին, քանի որ վերադարձել ենք ամսի 29-ին, եղել է շաբաթ օր, մայիսի 1-ը աշխատանքային չի եղել: Ամսի 2-ին եկել ենք աշխատանքի, եւ եթե չեմ սխալվում, հենց «Ժողովուրդ» օրաթերթում էր գրված, որ դիմել են հստակեցնելու՝ կա արդյոք գործ, թե չկա: Մինչեւ օրվա վերջ տեղեկացել ենք, որ կա քրեական գործ:

-Իսկ այն տեղեկությունը, որ նախկին ռեկտորը, արդեն զրկված լինելով իր լիազորություններից, օրենքի խախտումով վարել է ձեր բուհի գիտական խորհրդի նիստը, եւ այդ նիստի ընթացքում դիմել է մանկապուլյացիայի՝ Ձեզ ներկայացնելով որպես ռեկտորի պարտականությունները կատարողի միակ թեկնածու, որպեսզի հատկապես Դուք ընտրվեք ռեկտորի պարտականությունները կատարող, համապատասխանում է իրականությանը:

-Տեղեկությունը մի փոքր խեղաթյուրված է: Երբ պարոն խիթարյանի լիազորու-



թյունները կասեցվել են, ինքը, չարաշահելով պաշտոնական լիազորությունները, Գիտխորհուրդ չի հրավիրել. հրավիրվել է Գիտխորհրդի անդամ դասախոսական կազմը, եւ պարոն խիթարյանը հայտարարել է, որ իր լիազորությունները դադարեցվում են, եւ այսօր կամ վաղը կլինի հոգաբարձուների խորհրդի նիստ, որտեղ կորոշվի, թե ով է լինելու ռեկտորի պարտականությունները կատարող, մինչեւ լուծում կտրվի այդ հարցին:

-Այսինքն՝ դա Գիտական խորհրդի նիստ չէր համարվում:

-Ո՛հ, դա Գիտական խորհրդի նիստ չի համարվում: Պարոն խիթարյանը այդ հայտարարությունը անելուց հետո Գիտխորհրդի դահլիճից դուրս է եկել, եւ Գիտխորհրդի ամենամեծ անդամներից մեկը առաջարկություն է արել, որ իրեն տան Գիտխորհրդի կարգավիճակ, եւ հրավիրել են Գիտխորհրդի արձանագրությունները կազմող քարտուղարին, արդեն՝ առանց պարոն խիթարյանի, որպեսզի բուհը իր առաջարկությունները ներկայացնի հոգաբարձուների խորհրդին, թե ում են տեսնում որպես լիազորությունները իրականացնող այնքան ժամանակ, մինչեւ կկարգավորվի այդ պրոցեսը:

-Դուք էիք շարունակելու պաշտոնավարել, այդպես էր որոշված խիթարյանի կողմից:

-Խիթարյանի կողմից ոչինչ որոշված չէր: Առաջարկությունը եղել է Գիտխորհրդի ամենամեծ անդամներից մեկի կողմից, անգամ կարող եմ անուն նշել. առաջարկել է իմ թեկնածուները՝ հիմնավորելով, որ բուհի գործող 3 պրոռեկտորից միայն իմ թեկնածուներն են համապատասխանում ռեկտորի պարտականությունները կատարողին: Առաջին ու ամենակարգուր գործող իմ ընտրության եղել է դա: Երկրորդ՝ ոչ պակաս կարեւոր գործողը եղել է այն, որ բուհի մեծ մասը՝ ուսումնագիտականը, գտնվում է իմ վերահսկողության ներքո, եւ ես եմ վերահսկում բոլոր բաժինները, եւ այս տարիների ընթացքում տեսանելի առաջընթաց է գրանցվել, առաջ է եկել վստահություն իմ որպես ուսումնագիտական գծով պրոռեկտորի շուրջ: Գիտխորհուրդը (24 հոգի էին այդ օրը ներկա եղել), այդ թվում՝ Նուշիկյանը, քվեարկել են իմ օգտին:

-Իսկ այն տեղեկությունը, որ ռեկտորի պարտականությունները մյուս պրոռեկտորի վրա դնելուց հետո Ձեր ամուսինը եւ Ձեր եղբայրը «հաշիվ են պահանջել» նախկին ռեկտորից «խոստումը չկատարելու համար», համապատասխանում է իրականությանը:

-Տեղեկությունը չի համապատասխանում իրականությանը: Այսքան տարիների ընթացքում ոչ ամուսինս, ոչ եղբայրս, ոչ տղաներս եւ, առհասարակ, ոչ մեկ չի խառնվել իմ աշխատանքին, եւ վերջապես իմ հարցը չի եղել, կամ այնպիսի հարց չի եղել, որին ինչ-որ մեկը պիտի խառնվեր:

-Եվ վերջին հարցը՝ ճի՞շտ է, որ Ձեր ամուսնուն հեռացրել են աշխատանքից կոռուպցիոն սխեմաների մասնակցելու համար:

-Ո՛հ, ինֆորմացիան սխալ է: Եկեք ես այդ հարցին չպատասխանեմ, քանի որ ամուսնուս գործունեությունը կապ չունի իմի հետ:

Ջրուցեց ԼԻՂԱ ԵՂԻՎՋԱՐՅԱՆԸ

ՇԱՐՈՒՆԱԿՈՒՄ ԵՆ ՀԱՐՍՏԱՆԱԼ



Նիկոլ Փաշինյանի թիմակիցները շարունակում են հարստանալ: Նախկինում տան ու մեքենայի անհասանելի երազանք ունեցողները տուն ու ավտոմեքենա են գնում: ԶՊ խմբակցության ղեկավար Զայկ Կոնջորյանը, օրինակ, 2018 թվականին է տուն գնել, իսկ այս տարի ներկայացրած նրա հայտարարագրից «Ժողովուրդ» օրաթերթը տեղեկացավ, որ Ազգային ժողովի «Քաղաքացիական պայմանագիր» խմբակցության ղեկավար Զայկ Կոնջորյանը 2022 թվականին 2017 թվականի արտադրության Toyota մակնիշի ավտոմեքենա է գնել:

Կոնջորյանի՝ 2022 թվականի գույքի, եկամուտների, ծախսերի եւ շահերի հայտարարագրից տեղեկացանք, որ նա մեքենան գնել է 2022 թվականի հոկտեմբերի 31-ին 9 մլն դրամով: Մինչ այդ պատգամավորն ուներ Hyundai մակնիշի ավտոմեքենա, որը հոկտեմբերի 1-ին վաճառել է 3 մլն դրամով: Զետաքրքիր է, որ Զայկ Կոնջորյանի միակ եկամուտը, ըստ հայտարարագրի, նրա պատգամավորական աշխատավարձն է, որը տարեկան կազմել է 7 մլն 868 հազար դրամ:

ԱԼԻԵՎԸ՝ ԼԱԶԻՆԻ ՄԻՋԱՆՅՔԻ ՄԱՍԻՆ

«Ջանգեզուրի միջանցքի բացումն անխուսափելի է»: այսպիսի հայտարարությամբ է հանդես եկել Ադրբեջանի նախագահ Իլհամ Ալիևը Թուրքիայի նախագահ Ռեջեփ Թայիփ Էրդողանի հետ բանակցություններից հետո:

Ադրբեջանական լրատվամիջոցները գրում են, որ քննարկել են Ջանգեզուրի միջանցքի շուտափույթ բացման հարցը: «Դա անխուսափելի է, եւ որքան շուտ, այնքան լավ: Մենք կավելացնենք մեր ջանքերն այս հարցում: Այդ «միջանցքի» (չակերտները՝ Tert.am) բացումը հնարավորություններ կստեղծի բոլոր երկրների համար», - ասել է Ալիևը:

Նա նաեւ հավելել է, որ միջազգային իրավունքը «չի գործում». այսօր աշխարհում առաջին պլան է մղվում «ուժի» գործունը:

ՅՈՒՏԱՊ

«ՀԱՅԱՍՏԱՆԸ ԴԺՎԱՐ ԺԱՄԱՆԱԿՆԵՐ Է ԱՊՐՈՒՄ»

Աժ մարդու իրավունքների պաշտպանության եւ հանրային հարցերի մշտական հանձնաժողովի նախագահ, անկուսակցական Թագուհի Թովմայանը գրում է. «Դ՞՞ Աժ Հայաստան-Արգենտինա բարեկամական խմբի կազմով օրերս խորհրդարանում հանդիպում ենք ունեցել Արգենտինայի Սենատի եւ Պատգամավորների պալատի անդամներից բաղկացած խորհրդարանական պատվիրակության հետ:

Խոսել ենք Հայաստանի ինքնիշխան տարածքի նկատմամբ ադրբեջանական ոտնձգությունների, Արցախի լիակատար շրջափակման հետեւանքով ստեղծված հումանիտար խնդիրների մասին:

Հանդիպման ընթացքում ընդգծել ենք, որ Ադրբեջանն անտեսում է միջազգային հանրության եւ միջազգային կազմակերպությունների պահանջներն ու հորդորները:



Արգենտինայի Սենատի Արգենտինա-Հայաստան բարեկամական խմբի նախագահ Գիժերմո Անդրադան իր հերթին նշել է, որ Հայաստանը դժվար ժամանակներ է ապրում, եւ իրենք առկա իրավիճակի վե-

րաբերյալ ճշգրիտ տեղեկատվությունը կներկայացնեն իրենց երկրին ու միջազգային հանրությանը:

ԻՐԱՎԻՃԱԿԸ՝ ՏՐԵՏՈՒՔՈՒՄ

«Տրեստում վիճակը նորմալ է, կրակոցները գյուղում չեն լսվել», - «Ժողովուրդ» օրաթերթի հետ զրույցում հայտնեց Տրեստուքի համայնքապետի քարտուղարը:

«Մեզ մոտ կյանքն իր բնականոն հունով գնում է, արդեն սովորել ենք կրակոցների ձայներին», - հակիրճ նշեց մեր զրուցակիցը:

Նշենք, որ հունիսի 13-ին ժամը 11:30-11:45-ը, Ադրբեջանի ՋՈՒ ստորաբաժանումները տարբեր տրամաչափի հրաձգային զենքերից կրակ են բացել Տրեստուքի եւ Սոթքի հատվածում տեղակայված հայկական դիրքերի ուղղությամբ: Սոթքի հատվածում Ադրբեջանի ՋՈՒ-ն կիրառել է նաեւ ականանետ:

Դ՞՞ պաշտպանության նախարարությունից հայտնում են, որ հայկական կողմում տուժածներ չկան:

Լ ԵՂԻՎՋԱՐՅԱՆ

ԿՈՉ

ՆԻԿՈԼՅԱՆԸ ԱՃԽԱՏՈՒՄ Է, ԹԵ՞ ՈՉ



Հանրային հեռուստաընկերության գլխավոր ռեժիսոր, դիզայներ Արամ Նիկոլյանը, իր դիմումի համաձայն, ազատվել է աշխատանքից: Այս մասին մայիսի 31-ին Ազգային ժողովում լրագրողների հետ զրույցում ասել էր Հանրային հեռուստաընկերության տնօրեն Յուրի Կարենյանը:

«Ժողովուրդ» օրաթերթը կապ հաստատեց Արամ Նիկոլյանի հետ, որը, մեզ հետ զրույցում անդրադառնալով իր՝ աշխատանքից ազատմանը, ասաց. «Ես արդեն ասել եմ, որ մի որոշ ժամանակ անցնելու դեպքում ես Ձեր բոլոր հարցերին կպատասխանեմ: Ամենայն հավանականությամբ ասուլիս կլինի»:

Իսկ ինչ վերաբերում է Հանրային հեռուստաընկերությունից աշխատանքից ազատվելու հարցին, Արամ Նիկոլյանը մեզ հետ զրույցում ասաց, որ ճիշտ չէ:

Մեր ճշտող հարցին, այսինքն՝ ճիշտ չէ, որ Հանրային հեռուստաընկերությունից ազատվել է, նա նշել է. «Ճիշտ չէ. ավել ոչինչ ասել չեմ կարող այս պահին»:

Հիշեցնենք, որ ապրիլի 14-ին Երեւանի Կարեն Դեմիրճյանի անվան մարզահամերգային համալիրում Ծանրամարտի Եվրոպայի առաջնության բացման արարողության ժամանակ դիզայներ Արամ Նիկոլյանն այրեց Ադրբեջանի դրոշմը:

Անուհետեւ հայտնի դարձավ, որ հենց նա է հեղինակել եւ կարել Ծանրամարտի Եվրոպայի առաջնության բացման արարողությանը ներկա բոլոր երկրների, այդ թվում՝ Ադրբեջանի ներկայացուցիչների զգեստները:

ԼԻՂԱ ԵՐԻԱԶՈՐՅԱՆ

ՀԱՂՈՐԴԱԳՐՈՒԹՅՈՒՆ՝ ՀՅԳ-ԻՑ

ՀՅԳ Հայաստանի գերագույն ժողովը ճակատագրական այս հանգրվանում համահայկական գործարժի կոչ է հնչեցնում: Այս մասին ասված է ՀՅԳ Հայաստանի կազմակերպության 26-րդ գերագույն ժողովի սարածած հայտարարությունում:

Հայտարարությունը ներկայացնում ենք ստորև.

«Սիրելի՛ հայրենակիցներ, հայ ժողովուրդը եւ հայոց պետականությունը կանգնած են գոյութենական ծանրագույն սպառնալիքի առջեւ:

Հայաստանի իշխանությունների որդեգրած ապագային քաղաքականությունը՝ Արցախի ժողովրդի ինքնորոշման իրավունքի ուրացումը, ՀՀ անկախության հրաշակագրից բխող հանձնառություններից եւ Արցախի Հանրապետության անվտանգության երաշխավորի սահմանադրական պարտականություններից հրաժարվելը, թուրք-ադրբեջանական պարտադրվող զինուժան ընդունելու եւ հայ ժողովրդի ազգային պետական շահերը ստորադասելու քաղաքականությունը կործանարար է: Ադրբեջանի շարունակվող ագրեսիան հանգեցնելու է նոր ցեղասպանության եւ Արցախի հայաթափման, հարցականի տակ է դնելու Հայաստանի պետականության ապագան:

Հայ ժողովրդի թիկունքում հակասահմանադրական ընթացքով ձեռք բերված ցանկացած պայմանավորվածություն կամ փաստաթուղթ չունի իրավական եւ քաղաքական լեգիտիմություն, այն հղի է նոր պատերազմի սպառնալիքով եւ անխուսափելիորեն ապակայունացնելու եւ նոր ցնցումների է տանելու ողջ տարածաշրջանը:

Հակասահմանադրական եւ հակապետական այս ընթացքի անհապաղ կասեցումը օրախնդիր է եւ համազգային առաքելություն:

ՀՅԳ Հայաստանի Գերագույն ժողովը ճակատագրական այս հանգրվանում ՀԱՄԱՅՆՈՒԹՅԱՆ ԶՈՐՈՇՈՒԹԻ կոչ է հնչեցնում:

Սթափվելու, ընդվզելու, մեր ՊԵՏՈՒԹՅԱՆ ՈՒ ՀԱՅՐԵՆԻԺԻՆ ՀԱՄԱԶԳԱՅԻՆ ՄԻԱՍՆՈՒԹՅԱՆ ՃԱԿԱՏՈՎ ՏԵՐԿԱՆԵՆՈՒ ԿՃՈՒԿԱՆ ՊԿՅՆ Է:

ԱՐՑԱՅԻ ԻՆՔՆՈՐՈՇՄԱՆ ԻՐԱՎՈՒՆՔԸ ՍԱԿԱՐԿՄԱՆ ԵՆԹԱԿԱ ՉԷ

Մենք համոզված ենք՝ իշխանությունների կողմից պարտադրված պարտվողականությանն ու անգործությանն այլընտրանք կա, հաստատում ենք՝ ներազգային համերաշխության վերահաստատումով եւ հատկապես ներուժով կարող ենք եւ



մահայկական ներուժով կարող ենք եւ պարտավոր ենք՝

- վերականգնել Հայաստան-Արցախ-Սփյուռք եռամիասնությունը,
- վերականգնել երկրի անվտանգային համակարգը, ազգ-բանակ համազգային գիտակցումով բարձրացնել երկրի պաշտպանունակությունն ու Հայոց բանակի մարտունակությունը,
- արդյունավետ օգտագործելով միջազգային իրավունքն ու միջազգային հարթակները, համադրելով տարածաշրջանում հետապնդվող աշխարհաքաղաքական հետաքրքրությունները, Հայաստանի ռազմավարական դաշնակիցների գորակցությունն ու դիվանագիտական ռեսուրսները՝ պաշտպանել եւ առաջ տանել Հայաստանի եւ հայ ժողովրդի ռազմավարական շահերը,
- միջազգային իրավունքի համատեքստում մերկացնել եւ դատապարտել Ադրբեջանի հանցագործություններն՝ ուղղված մարդկության եւ կոնկրետ հայ ժողովրդի դեմ,
- կասեցնել մեր ազգային ինքնությունը քայքայող օտարածին ծրագրերը, երկրում հաս-

տատել իրական ժողովրդավարություն, հանրային համերաշխություն եւ արդարություն,

● համահայկական ուժերի մեկտեղումով զորացնել Հայաստանի կարողականությունները, ստեղծել ուժեղ եւ մրցունակ պետություն, որն անզիջում դիմադրությամբ կկանխի թուրքադրբեջանական տանդեմի հետապնդած Արցախի բռնակցման, հայաթափման եւ Հայաստանին կենսական զիջումներ պարտադրող պանթուրքական ծրագրերը:

Աներկբա է՝ վերը նշված մարտահրավերները դիմագրավելու եւ ստեղծված իրավիճակում հանգուցային բեկումն մտցնելու նախապայմանը ազգային իշխանության ձեւավորումն է եւ նոր որակի պետության կառուցումը:

ՀՅԳ Հայաստանի կազմակերպությունն ու ՀՅ Դաշնակցության աշխարհասփյուռ կառույցն իրենց ողջ ներուժով լծվելու են Հայաստանի եւ Արցախի պաշտպանությանն ու փրկությանն ուղղված համազգային ընդվզման եւ դիմադրության ճակատի ձեւավորմանը»:

ՕՐԿԱ ԽՃԱՆԿԱՐ

ՄԻՐ-ԶՈՅԱՆ-ԲԱՅՐԱՄՈՎ ՀԱՆԳԻՊՄԱՆ ՄԱՍԻՆ

«Իմ ենթադրությունն այն է, որ իրենք հյուր ունեին այս օրերին. արդեն բոլոր տեղեկացաք, որ Թուրքիայի նախագահն է այցելում Ադրբեջան, հետեւաբար, իմ կարծիքով՝ Ադրբեջանի ԱԳ նախարարն այդ օրերին չէր կարող բացակայել Բաքվից», - հունիսի 13-ին ԱԺ-ում լրագրողների հետ զրույցում նշեց ԱԺ ԶԳ խմբակցության պատգամավոր Արման Եղոյանը՝ անդրադառնալով նրան, որ օրերս Հայաստանի ԱԳՆ-ն հայտարարել էր, որ Ադրբեջանի խնդրանքով հետաձգվել են Վաշինգտոնում նախատեսված Հայաստանի

եւ Ադրբեջանի ԱԳ նախարարների հանդիպումը:

«Իմ տրամաբանական հետեւությունը դա է», - ասաց նա:

Ինչ վերաբերում է հարցին՝ առաջիկա օրերին նոր հանդիպումը երբ կլինի, Եղոյանն ասաց. «Դա չեմ կարող ասել: Նման հարցերը օրերի կտրվածքով չեն լուծվում, շաբաթների կտրվածքով են լուծվում»:

ԳՈՐԾԱԳԻՐ ԿՈՄԻՏԵՆ ԸՆՏՐՎԵՑ

«Արցախի անվտանգության եւ զարգացման ճակատ» հանրային շարժման

խորհրդի նիստում ընտրվել է շարժման գործադիր կոմիտեն:

Աշխատանքային խմբի կողմից խորհրդին է ներկայացվել շարժման գործադիր կոմիտեի առաջին կազմի ընտրության կարգը, որը հաստատվել է միաձայն: Համաձայն կարգի՝ գործադիր կոմիտեի անդամները կարող են ընտրվել շարժման մշտական գործող մարմնի՝ խորհրդի կազմից:

Գործադիր կոմիտեն ընտրվել է հետեւյալ կազմով՝

գործադիր կոմիտեի համակարգող՝ Ռուբեն Վարդանյան,

անդամներ՝ Դավիթ Մանուկյան, Նարինե Աղաբալյան, Անդրանիկ Սարգսյան,

Գարիկ Աբրահամյան եւ Հայկ Ավանեսյան:

Գործադիր կոմիտեն իրականացնելու է շարժման գործունեության ընթացիկ դեկավարումը:

ԻՐԱՎԱԿԱՆ

ՄԱՆՐԱՄԱՆԵՐ

ՆՈՐ ՀԱՆԳԱՄԱՆՔՆԵՐ՝ ԽԱՉԱՏՈՒՐՈՎԻ ԳՈՐԾՈՎ

Նշենք, որ Խաչատուրի նկատմամբ վարույթ նախաձեռնվեց այն բանից հետո, երբ ՀՀ գլխավոր դատախազ Աննա Վարդապետյանը ԱԾ-ի հավանությունը ստացավ ՊՆ նախկին ղեկավար Մեյրան Օհանյանի նկատմամբ քրեական հետադիմում սկսելու համար: Նախկին բարձրաստիճան գինվորականները մեղադրվում են 2 զորամասի սարածֆների վաճառքի հետ կապված խարդախությունների համար:



Հիշեցնենք՝ փետրվարի 21-ին Գրիգորի Խաչատուրովի նկատմամբ հանրային քրեական հետապնդում է հարուցվել պաշտոնական դիրքի օգտագործմամբ հանցավոր ճանապարհով ձեռք բերված առանձնապես խոշոր չափերով անշարժ գույքն օրինականացնելու (փողերի լվացման) համար: Նա ձերբակալվել էր:

Դատախազությունը միջնորդություն էր ներկայացրել նրան կալանավորելու համար: Հակակոռուպցիոն դատարանի դատավոր Տիգրան Դավթյանը մերժել էր միջնորդությունը: Խաչատուրովը նույն օրը դատարանի դալիճից ազատ էր արձակվել:

Փետրվարի 24-ին ՀՀ գլխավոր դատախազությունը հատուկ վերանայման բողոք էր ներկայացրել ՀՀ վերաքննիչ քրեական դատարան՝ Գրիգորի Խաչատուրովի նկատմամբ խափանման միջոց կալանքի միջնորդությունը մերժելու որոշման դեմ:

Մարտի 16-ին Վերաքննիչ դատարանը դատախազության բողոքը քննելուց հետո Գրիգորի Խաչատուրովին կալանավորելու որոշում էր կայացրել:

Սույն գործով մեղադրանք է առաջադրվել նաեւ 3-րդ բանակային կորպուսի նախկին հրամանատար, գեներալ-մայոր Գրիգորի Խաչատուրովի ընկերոջը՝ Էդգար Արշակյանին: Արշակյանի պաշտպան Միհրան Պողոսյանն ասել էր, որ քրեական գործում առկա 18 միլիոն դրամի գրավ վերցնելու մասը նույնպես իրականացրել էր:

Նույնպես չի համապատասխանում. «Գլխավոր դատախազն Ազգային ժողովում ուղղակի զբաղված էր մանիպուլյացիաներով, որովհետեւ տվյալ գույքի համար երբեք 18 միլիոն դրամ գումար չի վերցվել: 2016-ի օգոստոսի 12-ին Խաչատուրովը ձեռք է բերել բնակարան Վանաձորում, այդ ժամանակ կքնվել է հիփոթեքային պայմանագիր, որի պայմաններում միայն այդ բնակարանը գրավադրելու համար Խաչատուրովին տրամադրվել է 18 միլիոն 484 հազար դրամի վարկային գիծ: Որոշ ժամանակ անց բանկը Խաչատուրովին խնդրել է ներկայացնել լրացուցիչ գրավ, նա էլ իր ընկերոջը՝ Էդգար Արշակյանին, խնդրել է լրացուցիչ գումարով օգ-

նել, քանի որ Արշակյանն այդ տարածքը չի օգտագործել, որպես լրացուցիչ գրավ դա դրվել է բանկում, սակայն վարկային գիծը ոչ մի դրամով չի ավելացել»:

Փաստաբանը շեշտեց, որ Էդգար Արշակյանին մեղադրվում է մի արարք, որն օբյեկտիվ իրականությունում գոյություն չունի. «Ասում են՝ Գրիգոր Խաչատուրովն է իրականում այդ տարածքը ձեռք բերել, որի համար որեւէ փաստական հիմք չկա, եւ Էդգար Արշակյանը հանդիսացել է, այսպես ասած, քողարկված անձ՝ Խաչատուրովի գործարքը թաքցնելու համար»: Եվ, ահա, հենց Էդգար Արշակյանն էլ կոտրել է ոտքը, ու նիստերը չեն կայանում:

ՔՆԱՐ ՍԱՆՈՒԿՅԱՆ

ՆԱԽԱՔՆՆՈՒԹՅՈՒՆ

ՓՈՐՉԵԼ Է ՄՊԱՆԵԼ ՀՈՐԵՂԲՈՐԸ



ՀՀ քննչական կոմիտեի Երեւան քաղաքի քննչական վարչության Ավան եւ Նոր Նորք վարչական շրջանների քննչական բաժնում քննվող քրեական վարույթի շրջանակներում իրականացված քննչական եւ վարույթային գործողությունների արդյունքում պարզվել են 41-ամյա տղամարդու կողմից հորեղբոր նկատմամբ սպանության փորձ կատարելու դեպքի մի շարք հանգամանքներ:

2023 թվականի հունիսի 12-ին Երեւան քաղաքի 58-ամյա բնակիչը հատորում է ներկայացրել այն մասին, որ նույն օրը՝ ժամը 18:00-ի սահմաններում, 41-ամյա եղբորորդին Երեւան քաղաքի Աճառյան փողոցում գտնվող իր տան բակում պտուտակահանով հարվածել է իր գլխին, կրծքավանդակին եւ ձախ թեւատակին:

Դեպքի առթիվ ՀՀ քրեական օրենսգրքի 44-155-րդ հոդվածի 1-ին մասով նախաձեռնված քրեական վարույթի նախաքննության ընթացքում կատարվել է դեպքի վայրի զննություն, որի ընթացքում վերցվել են արևանման հետքեր, դեպքի ժամանակ տուժողի հագին եղած հագուստները, հարցաքննվել են մի շարք անձինք, նշանակվել են համապատասխան փորձաքննություններ:

Վարույթի շրջանակներում ձեռք բերված տվյալներով՝ նշված օրը՝ ժամը 18:30-ի սահմաններում, եղբորորդին՝ 41-ամյա տղամարդը, հորեղբոր տան բակում վիճաբանել է վերջինիս հետ, որի ընթացքում իր մոտ գտնվող պտուտակահանով հարվածներ է հասցրել նրա գլխին, կրծքավանդակին եւ ձախ թեւատակին՝ նախնական տվյալներով՝ փորձելով վրէժ լուծել 2007թ. հոր սպանության համար, որի կատարման համար դատապարտված է եղել ազատազրկման:

41-ամյա տղամարդը ձերբակալվել է՝ հիշյալ հանցանքը կատարելու անմիջականորեն ծագած հիմնավոր կասկածի հիման վրա:

Նախաքննությունը շարունակվում է: Շանուցում. հանցանքի համար մեղադրվողը համարվում է անմեղ, քանի դեռ նրա մեղավորությունն ապացուցված չէ ՀՀ քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ԱՐԴՅՈՒՆՔՆԵՐ

ՀՐԱՀԱՆԳՆԵՐ՝ ՊԱՐԵԿՆԵՐԻՆ

Պարեկային ծառայության Կոտայքի մարզի գումարտակի ծառայողների մասնակցությամբ տեղի է ունեցել աշխատանքային խորհրդակցություն, որը վարում էր պարեկային ծառայության պետ, ոստիկանության գնդապետ Արթուր Խուրդինյանը: Ներկա էին պարեկային ծառայության պետի տեղակալ, գնդապետ Արմեն Մաթեոսյանը եւ ոստիկանության Կոտայքի մարզային վարչության պետ, ոստիկանության գնդապետ Ռուբեն Դավթյանը:

Արթուր Խուրդինյանը կարեւորեց պարեկային ծառայության տեղն ու դերը ոստիկանական համակարգում, շեշտադրեց առաջնահերթությունները, խոսեց պարեկային ծառայողի պատասխանատվության եւ բարեվարքության մասին: Պարեկային ծառայության պետը անդրադարձավ նաեւ պարեկների արտաքին տեսքին՝ խոսելով համազգեստի կրման կանոնների խստագույնս պահպանման մասին: Ընդգծելով հասարակական կարգի պահպանության եւ հանցավորության դեմ պայքարում անզիջում լինելու անհրաժեշտությունը՝ նա կարեւորեց հատկապես քաղաքացիների հետ համագործակցությունը, գրագետ

հաղորդակցությունը, շփումներում բարեկիրթ լինելը:

Խոսելով իրավախախտում կատարած անձանց հետ ճիշտ փոխհարաբերությունների մասին՝ Արթուր Խուրդինյանը կարեւորեց վարչական իրավախախտումների հայտնաբերման եւ արձանագրման ժամանակ քաղաքացիներին համապատասխան իրավական նորմեր պարզաբանելը:

Խորհրդակցության ավարտին Կոտայքի մարզի գումարտակի պարեկները ստացան համապատասխան հրահանգավորում եւ անցան ուժեղացված ծառայության:

Ուժեղացված ծառայության ընթացքում Կոտայքի պարեկները հայտնաբերել են ճանապարհային երթելու կանոնների 293 խախտում: Հայտնաբերվել է առանց վարորդական իրավունքի վկայականի տրանսպորտային միջոց վարող 9 անձ, հաշվառման համարանիշի հետ կապված՝ 1, չամրակապված վարելու՝ 79, վարելիս ծխախոտային արտադրատեսակ օգտագործելու՝ 7 իրավախախտում: Հայտնաբերվել է նաեւ առանց ԱՊՊՎ պայմանագրի 9, տեխնիկական զննություն չանցած՝ 71, թաղանթապատված դիմապակիով եւ կողային ապակիներով՝ 18 մեքենա:

Նմանօրինակ հանդիպումները եւ ուժեղացված ծառայությունները պարբերական են լինելու:

ԲՈՆՈՒԹՅՈՒՆ՝ ՓԱՏՏԱԲԱՆԻ ՆԿԱՏՄԱՄԲ

ՆԳՆ Ոստիկանության կենտրոնական բաժնում բռնություն է գործադրվել փաստաբան Կարեն Ալավերդյանի նկատմամբ:

ՄԻՊ գրասենյակից հաղորդում են՝ դեպքի կապակցությամբ Պաշտպանի սեփական նախաձեռնությամբ սկսվել է քննարկման ընթացակարգ: Համապատասխան գրություններ կհասցեագրվեն ՀՀ գլխավոր դատախազություն եւ ՀՀ ներքին գործերի նախարարություն՝ նշված դեպքի հանգամանքները մանրամասն եւ բազմակողմանի քննության առարկա դարձնելու պահանջով: Հարկ է ընդգծել, որ փաստաբանի պաշտպանված մասնագիտական գործունեությունը երկրում մարդու իրավունքների պաշտպանության պատշաճ համակարգի կարեւորագույն նախապայմաններից է, արդարադատության համակարգում եւ իրավունքի գերակայության ապահովման գործում այն ունի առանցքային կարեւորություն:

● Ըստ ոստիկանության տվյալների՝ հունիսի 12-ից 13-ը Հայաստանի Հանրապետությունում բացահայտվել է հանցագործության 69 դեպք, որոնցից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՆՈՐԻՑ ԴԱՏԻ ԵՆ ՏՎԵԼ ԱԶԳԱՅԻՆ ՊԱՐԿԻՆ

«Դիվիզան ազգային պարկ» ՊՈԱԿ-ի տնօրենի ժամանակավոր պաշտոնակատար Արա Խլոյանի 2021 թվականի հունիսի 25-ի հրամանով՝ Արտակ Զարուբյանյանի նկատմամբ կիրառվել է կարգապահական տույժ, նա ազատվել է ազգային պարկի «Դիվիզան տեղամաս» մասնաճյուղի պետի պաշտոնից: Վերջինս դիմել է դատարան, կայացել է դատաքննություն: 2022 թվականի ապրիլի 27-ին Տավուշի մարզի առաջին ատյանի դատարանի նախագահ Սարգիս Արմենակյանը վճռել է Ա. Զարուբյանյանի հայցը բավարարել, անվավեր ճանաչել Ա. Խլոյանի 2021 թվականի հունիսի 25-ի թիվ 258-Ա հրամանը՝ «Դիվիզան տեղամաս» մասնաճյուղի պետ Ա. Զարուբյանյանի նկատմամբ կարգապահական տույժ կիրառելու և նրան աշխատանքից ազատելու մասին, Ա. Զարուբյանյանին վերականգնել իր նախկին աշխատանքում, «Դիվիզան ազգային պարկ» ՊՈԱԿ-ից հոգուտ Ա. Զարուբյանյանի բռնազանգեցման միջին աշխատավարձը՝ հաշվարկը կատարելով հարկադիր պարագրաֆի ամբողջ ժամանակահատվածի համար՝ 2021թ. հունիսի 25-ից մինչև վերջինս իր նախկին աշխատանքում վերականգնելու օրն ընկած ամբողջ ժամանակահատվածի համար, «Դիվիզան ազգային պարկ» ՊՈԱԿ-ից հոգուտ 33 պետական բյուջե բռնազանգեցման 4000 դրամ, ինչպես նաև դատարանի վճռով հաշվարկվող գումարի երկու տոկոսը՝ որպես վճարման ենթակա պետական տուրքի գումարներ: Ազգային պարկի տնօրենի ԺՊ Արմեն Դազարյանը, չսպասելով, որ անցնի մեկամսյա ժամկետը, եւ դատարանի վճիռն օրինական ուժի մեջ մտնի, հրաման է տվել Ա. Զարուբյանյանին վերականգնել իր նախկին աշխատանքում: Ազգային պարկի իրավաբանը համարել է, որ դատարանի վճիռը բողոքարկելու իմաստ չկա, վերաքննիչ դատարանում հարթելու շանս գոյություն չունի, իսկ յուրաքանչյուր օրվա համար ՊՈԱԿ-ը պետք է Ա. Զարուբյանյանին գումար վճարի: Արտակ Զարուբյանյանը կրկին Տավուշի մարզի առաջին ատյանի դատարան է դիմել, այս անգամ՝ 33 շրջակա միջավայրի նախարարության «Դիվիզան ազգային պարկ» ՊՈԱԿ-ի տնօրենի ժամանակավոր պաշտոնակատար Ռոբերտ Ալիխանյանի՝ 2023թ. մարտի 24-ի թիվ 67-Ա հրամանն անվավեր ճանաչելու պահանջով: 2023թ. մայիսի 18-ին դատարան է հանձնվել հայցադիմումի պատասխան: Մայիսի 19-ին Տավուշի մարզի առաջին ատյանի դատարանի դատավոր Նարինե Անանյանը որոշել է սույն քաղաքացիական հայցով նախնական դատական նիստ նշանակել հունիսի 15-ին Տավուշի մարզի առաջին ատյանի դատարանի Նոյեմբերյանի նստավայրում: Ջանգախարեցի Դիվիզանի ազգային պարկ, որպեսզի իմանամ, թե վերոհիշյալ թիվ 67-Ա հրամանը ինչ բովանդակություն ունի: Տնօրենի քարտուղարուհին պատրաստվում էր միացնել տնօրենի ժամանակավոր պաշտոնակատար Ռոբերտ Ալիխանյանի հետ, սակայն իմանալով, որ զանգահարողը լրագրող է, ասաց, որ նա զբաղված է: Հետո Նորից զանգահարեցի, քարտուղարուհին ասաց, որ Ռ. Ալիխանյանը կարող է լրագրողի հարցերին պատասխանել միայն հունիսի 19-ին:

ՈՍԿԱՆ ՍԱՐԳՅԱՆ
Տավուշ

ՏՆՏԵՍԱԿԱՆ

ԱՃԻ ՏԵՄՊԻ ԴԱՆԴԱԴՈՒՄ

Արժույթի միջազգային հիմնադրամի (ՄՄՀ) գործադիր խորհուրդն ավարտել է Հայաստանի հետ «Պահուսային ծրագրի» (SBA) առաջին ամփոփիչ ստուգումը՝ երկրին սաղմ շուրջ 24.5 միլիոն ԱՄՆ դոլարից օգտվելու հնարավորություն:



ԱՄՄՀ-ի տարածած հաղորդագրության մեջ ասվում է. «Հայաստանի տնտեսական ակտիվությունը 2022 թ. -ին շատ բարձր էր, ընդ որում՝ իրական ՅՆԱ-ն 12.6 տոկոսով աճեց՝ պայմանավորված բարձր սպառմամբ եւ արտաքին պահանջարկով: Այդ աճը սնուցվում էր Ռուսաստանից արտարժույթի եւ միգրանտների մեծ ներհոսքով:

Աճի թափը պահպանվեց 2023թ.-ի առաջին եռամսյակում շինարարության, ծառայությունների եւ առեւտրի առնչվող ոլորտների ընդլայնման արդյունքում: Ընթացիկ հաշվի պակասուրդը նվազեց՝ տարվա համար կազմելով ՅՆԱ-ի 0.9 տոկոսը, ինչին նպաստեցին զբոսաշրջության բարձր եկամուտները: Աճեցին նաեւ օտարերկրյա ուղղակի ներդրումները եւ այլ ներդրումների ներհոսքերը՝ գլխավորապես արտացուցիչ Ռուսաստանից կապիտալի ներհոսքերը: Համախառն պահուստներն ավելացան՝ հասնելով 4.1 միլիարդ ԱՄՆ դոլարի: Դրանք արժեւորվեց ավելի քան 20 տոկոսով 2022 թ.-ին: Գնաճային ճնշումները 2022 թ. վերջից 2023 թ.-ի սկիզբը սկսեցին մեղմանալ: Գնաճի ցուցանիշը 2023 թ. ապրիլին նվազեց՝ կազմելով 3.2 տոկոս (նախորդ տարվա նույն ժամանակահատվածի համեմատ)՝ հիմնականում բազայի ազդեցությունների եւ սննդամթերքի ու տրանսպորտի գների արագ նվազման հաշվին: Սակայն բնական գնաճը 2023 թ.-ի ապրիլին պահպանվեց գնաճի ցուցանիշից բարձր՝ 4.3 տոկոս (նախորդ տարվա նույն ժամանակահատվածի համեմատ): Գնաճային ճնշումների հիմնական աղբյուրն անվանական աշխատավարձերի երկկիշ աճն է ծառայությունների գների աճն էին:

Հարկաբյուջետային դիրքը 2022թ.-ին նշանակալիորեն բարելավվեց: Հարկաբյուջետային դեֆիցիտի ցուցանիշը 2022 թ.-ին նվազեց բարձր եկամուտների եւ ծախսերի թերակատարման հաշվին՝ կազմելով ՅՆԱ-ի 2.1 տոկոսը: Կենտրոնական կառավարության պարտքը նվազեց 14 տոկոսային կետով՝ կազմելով ՅՆԱ-ի 46.7 տոկոսը՝ պայմանավորված պակասուրդի

նվազմամբ, բարձր անվանական աճով եւ փոխարժեքի արժեւորմամբ:

Ծրագիրն ընդհանուր առմամբ նախատեսված հունով է ընթանում: Դեկտեմբերի վերջի դրությամբ բոլոր քանակական կատարողականի չափորոշիչները (ԲԿԶ) եւ կողմնորոշիչ թիրախները (ԿԹ) կատարվել են, եւ լավ առաջընթաց է գրանցվել կառուցվածքային հենակիշերի (ԿՀ) կատարման ուղղությամբ: Մարտի վերջի կատարողականի հենակիշը, որը պահանջում էր Հայաստանի պետական հետաքրքրությունների ֆոնդի (ԱՆՖ) լիազորությունների, հաշվետվությունների ներկայացման, թափանցիկության եւ կենսունակության պահանջները հստակեցնող որոշման ընդունում, կատարվել է որպես սույն ամփոփիչ ստուգման նախապայման գործողություն:

2023թ.-ի տնտեսական հեռանկարն ընդհանուր առմամբ դրական է, թեեւ նշանակալի ռիսկերը պահպանվում են: Կանխատեսվում է ՅՆԱ-ի աճի տեմպի դանդաղում, սակայն սպասվում է, որ այն 5.5 տոկոս կպահպանվի՝ ուժեղ թափի, սպառման եւ ներդրումների շնորհիվ: Ծառայությունների առեւտրի եւ դրամական փոխանցումների բնականոն հուն վերադառնալով՝ ընթացիկ հաշվի պակասուրդի ընդլայնում է սպասվում:

Գնաճն ակնկալվում է, որ մեկ տարվա ընթացքում կկայունանա 33 ԿԹ թիրախի՝ 4 տոկոսի մակարդակում: Հեռանկարը ենթակա է բարձրացած ռիսկերի, որոնք բխում են արտաքին դժվարին միջավայրից, այդ թվում՝ տարածաշրջանի լարվածությունից, համաշխարհային ավելի խիստ ֆինանսական պայմաններից եւ

խոշոր առեւտրային գործընկերների աճի տեմպի դանդաղումից:

Մակրոտնտեսական քաղաքականությունն անհրաժեշտ է, որ կարճաժամկետ հեռանկարում կանխի տնտեսության գերտաքացումը՝ միաժամանակ միջնաժամկետ հեռանկարում աջակցելով ներառական եւ դիալոգային աճին:

Եթե աճը եւ եկամուտները կանխատեսվածից բարձր լինեն, հարկաբյուջետային բուժքերտի կառուցումն առաջնահերթ կլինի: Միեւնույն ժամանակ, եկամուտների մոբիլիզացման ջանքերն անհրաժեշտ է շարունակել, այդ թվում՝ ընդլայնելով հարկման բազան եւ պայքարելով ոչ ֆորմալության դեմ:

Դրամավարկային քաղաքականության վճռորոշ եւ նախաձեռնողական խստացմամբ հաջողվել է հասնել գնաճային ճնշումների զգալի դադարեցման, սակայն դրամավարկային քաղաքականությունն անհրաժեշտ է, որ պահպանի զգուշացումն ու տվյալներից կախվածությունը: Ֆինանսական հատվածի ռիսկերը, որոնք կապված են անշարժ գույքի ոլորտի հետ, պահանջում են ուշի-ուշով մոնիթորինգ՝ վերահսկողական գործիքների հզորացմամբ:

Հայաստանի երկարաժամկետ աճի ներուժի բացահայտման համար կառուցվածքային բարեփոխումների իրականացման հարցում շարունակական առաջընթացի կարիք կա, այդ թվում՝ խթանելով առեւտրային կապերը եւ բազմազանեցումը, բարձրացնելով ֆինանսների մատչելիությունը, ավարտելով կառավարման բարեփոխումները եւ բարելավելով կլիմայի փոփոխության դիմակայունությունը:

ԿԱՐԵՎՈՐ

ԿԱՌԱՎԱՐՈՒԹՅՈՒՆԸ ՍՈՒԲՏԻԳՆՎՈՐՈՒՄ Է

Կառավարությունը 2023 թվականին 35 միլիարդ դրամի սուբսիդավորում է իրականացնելու գյուղատնտեսական ոլորտում: Ազգային ժողովի նիստի ժամանակ այս մասին ասաց էկոնոմիկայի նախարար Վահան Զեյնոբյանը՝ արձագանքելով այն դիտարկմանը, թե գյուղացին մենակ է մնացել իր խնդիրների հետ:

«Այսինքն՝ եթե նայենք 2006-2010 թվականների ցուցանիշները, այնտեղ 4 տարվա մեջ 1 միլիարդ դրամ է եղել ընդհանուր գյուղատնտեսական աջակցությունը: Հիմա մենք խոսում ենք ամեն տարի 30 միլիարդ դրամի մասին: Ես կտրականապես համաձայն չեմ այն տեսակետի հետ, որ գյուղացիները մենակ են մնացել: Մեր ծրագրերից օգտվում են տասնյակ հազարավոր ֆերմերային տնտեսություններ: Հայաստանի գյուղատնտեսությունը հիմա կառուցվածքային

փոփոխության է ենթարկվում. ավանդական գյուղատնտեսությանը փոխարինման է գալիս բարձր արտադրողականության գյուղատնտեսությունը:

Այդ փոփոխությունների ազդեցությունը վիճակագրական թվերի վրա կերտա որոշ ժամանակ անց», - ասաց Զեյնոբյանը:

ԽԱՆՏՈՒՄՆԵՐ՝ ՀԱՅԻ ԱՐՏԱԳՐԱՄԱՍՈՒՄ

ՀՀ սննդամթերքի անվտանգության տեսչական մարմնի Երեւանի կենտրոնի տեսուչներն անհատ ձեռնարկատեր Հմայակ Մանուկյանին պատկանող հացի արտադրամասում իրականացրած ստուգման ընթացքում պարզել են, որ այն գործում է իրավական ակտերով սահմանված սանիտարահիգիենիկ նորմերի կոպիտ խախտումներով (ք. Երեւան): Մասնավորապես՝

- արտադրական շինությունում չի ապահովվել հոսքայնությունը՝ չբացառելով պարենային հումքի եւ սննդամթերքի, աղտոտված եւ մաքուր գույքի հանդիպական խաչաձեւ աղտոտումը,

- չի ապահովվել պաշտպանությունը կրծողների եւ միջատների ներթափանցումից, կեղտի կուտակումներից եւ բորբոսի առաջացումից,

- պատերը, մակերեսները պատրաստված չեն եղել անջրանցիկ, վլազվող, չներծող նյութերից, չեն ունեցել հարթ մակերես, հեշտությամբ չեն մաքրվել եւ ախտահանվել,

- սարքերը, բեռնարկղերը եւ դարակաշարերը պատշաճ չեն մաքրվել ու ախտահանվել: Տեսչական մարմնի ղեկավարի որոշմամբ՝ հացի արտադրամասի արտադրական գործունեությունը կասեցվել է, սահմանվել է հայտնաբերված խախտումները վերացնելու ժամկետ:

● Անցած 1 օրվա ընթացքում Հայաստանի Հանրապետությունում արձանագրվել է 10 ճՏՊ. 2 մարդ զոհվել է, 13-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՅՏԱՐԱՐՈՒԹՅՈՒՆ

«ՎՏԲ-ՀԱՅԱՍՏԱՆ» ԲԱՆԿ

«ՎՏԲ-Հայաստան» բանկի հաճախորդներին այսուհետ հասանելի է սպառողական վարկերի հեռահար ձեռակերպման նոր ծառայությունը: Վարկ կարելի է ստանալ լրացնելով օնլայն հայտ բանկի կայքում, առանց մասնաճյուղ այցելելու: Վարկի տրամադրման վերաբերյալ որոշումը կայացվում է վայրկյանների ընթացքում: Օնլայն վարկը տրամադրվում է 1-ից մինչև 5 տարի ժամկետով, տարեկան 14.75%-18% տոկոսադրույքով (փաստացի տոկոսադրույք՝ 19.6%-22.7%): Վարկի նվազագույն գումարը կազմում է 100 հազ., առավելագույնը՝ 10 մլն ՀՀ դրամ:

Բանկի կայքում հեռահար եղանակով վարկ ստանալու հետքեր անհրաժեշտ է ընտրել «Օնլայն վարկ» բաժինը և բացված էջում լրացնել անհրաժեշտ դաշտերը՝ սոցիալական քարտի համար, հեռախոսահամար, վարկի ցանկալի գումար և ժամկետ: Վարկը հասանելի է ինչպես «ՎՏԲ-Հայաստան» բանկի գործող հաճախորդներին, այնպես էլ դեռևս հաճախորդ չհանդիսացող ֆիզիկական անձանց: Էլեկտրոնային վարկային հայտը լրացնելու ընթացքում հաճախորդները կարող են ակնթարթորեն բացել քարտ և դառնալ բանկի հաճախորդ:

«Սպառողական վարկերը երկրի բնակչության կողմից ամենապահանջված վարկատեսակներից են, այդ իսկ պատճառով «ՎՏԲ-Հայաստան» բանկն իր թվայնացման շրջանակներում որոշել է մեկնարկել վերջիններիս օնլայն ձեռակերպումը: Մեր պրոդուկտների շարքում այս նոր ծառայությունը թույլ է տալիս հաշված ռոպեների ընթացքում անցնել վարկավորման գործընթացն առանց տանից դուրս գալու: Միաժամանակ մենք հոգացել ենք, որ սմարթֆոնից կամ համակարգիչի վարկային հայտի լրացման գործընթացը հնարավորինս պարզ ու հասկանալի լինի օգտատերերի համար»,- նշել է «ՎՏԲ-Հայաստան» բանկի գլխավոր տնօրենի - տնօրենության նախագահի տեղակալ Տարաս Կլադչենկոն:

Սպառողական վարկի հեռահար տրամադրման բոլոր փուլերում անվտանգության պահանջների պահպանման նպատակով կիրառվում է հաճախորդի կենսաչափական նույնականացում, ինչպես նաև նույնականացում SMS-ի և էլ. փոստի միջոցով:

«ՎՏԲ-Հայաստան» բանկը վերահսկվում է ՀՀ ԿԲ կողմից:

ԲՈՂՈՔՈՒՄ ԵՆ ԽԱՂՈՂԱԳՈՐԾՆԵՐԸ

«Ժողովուրդ» օրաթերթը խաղողագործներից ահազանգեր է ստանում այն մասին, որ մթերող ընկերություններն իրենց հետ պայմանագրեր են կնքում շատ մատչելի գներ առաջարկելով, ինչով պայմանավորված՝ իրենք հայտնվել են անելանելի վիճակում: Խաղողագործներից շատերը ստիպված կան հրաժարվում են պայմանագիր կնքելուց, կամ էլ շատ մատչելի գնով համաձայնում են իրենց մթերող «հանձնել» տարբեր ընկերություններին: Ըստ մեր գրուցակիցների՝ եթե այսպես շարունակվի, ապա իրենք կտուժեն ու կհայտնվեն շատ դժվար իրավիճակում: «Ժողովուրդ» օրաթերթն այս առնչությամբ գրուցել է ՀՀ գինեգործների միության նախագահ Ավագ Հարությունյանի հետ, որը մեզ հետ գրուցում է նշել, որ այս խնդիրը հայկական շուկայում միշտ է եղել, և այստեղ ոչ արտադրողը և ոչ էլ մթերողը մեղավոր չեն. այս հարցը պետք է ՀՀ կառավարությունը լուծի:

ԼԻՂԱ ԵՐԻՍՏՅԱՆ

ՀԱՄԱԳՈՐԾԱԿՑՈՒԹՅՈՒՆ

ՀԱՅԱՍՏԱՆԻ ՊԱՏՎԻՐԱԿՈՒԹՅՈՒՆԸ ԵՐԻՏԱՍԱՐԴԱԿԱՆ ՖՈՐՈՒՄԻՆ

ՀՀ ԿԳՄՍ նախարարի տեղակալ Արթուր Մարտիրոսյանի գլխավորած դասվորակությունը մասնակցել է ԱՊՀ և ԵԱՏՄ անդամ դեռությունների երկրորդ երիտասարդական համաժողովին:

Ֆորումին մասնակցել են ԱՊՀ և ԵԱՏՄ անդամակցող երկրների ավելի քան 150 պատվիրակներ Հայաստանից, Բելառուսից, Ղազախստանից, Ղրղզստանից, Ռուսաստանից, Տաջիկստանից, Ուզբեկստանից, Կուբայից, ինչպես նաև ԱՊՀ այլ պետություններից: Ֆորումն անցկացվել է ՌԴ Սոչի քաղաքում:

Միջոցառման բացման արարողությանը ներկա է եղել և ողջույնի խոսքով հանդես է եկել ՌԴ վարչապետ Միխայիլ Միշուստինը: ՌԴ վարչապետն անդրադարձել է եվրասիական ինտեգրացման շրջանակում այժմ գործող երիտասարդների համար նախատեսված ծրագրերին: Մասնակիցներին ողջունել են ԱՊՀ գլխավոր քարտուղար Ս. Լեբեդևը, Եվրասիական տնտեսական հանձնաժողովի կոլեգիայի նախագահ Մ. Մյասնիկովիչը, ֆորումին մասնակից երկրների պատվիրակությունների ղեկավարները:

Բացման արարողությանը ելույթով հանդես է եկել նաև ՀՀ ԿԳՄՍ նախարարի տեղակալ Արթուր Մարտիրոսյանը՝ անդրադառնալով երիտասարդներին մասնակցությանը ժամանակակից տնտեսական խնդիրների լուծմանը: Խոսելով ֆորումի հիմնական թեմայի՝ երիտասարդական ձեռնարկության և ձեռնարկատիրական հմտությունների զարգացման ուղղված աջակցության մասին՝ Ա. Մարտիրոսյանը երեք առանցքային մոտեցում է շեշտադրել:

«Առաջինն այն է, որ ձեռնարկատիրական հմտությունների և ձեռնարկատիրական վարքի ձեռավորումը պետք է սկսվի դպրոցից և շարունակվի հետագա կրթական աստիճաններում»,- նշել է նախարարի տեղակալը՝ հակիրճ ներկայացնելով հանրակրթական, միջին մասնագիտական և բուհական կրթական համակարգերում այդ ուղղությամբ ձեռավորված հաստատանյալ փորձը:



Ըստ նախարարի տեղակալի՝ երկրորդ մոտեցումն այն է, որ անհրաժեշտ է քաջալերել երիտասարդներին ոչ միայն հավաքելու աշխատաշուկան՝ որպես պատրաստված մասնագետներ, այլև անել հնարավորը, որպեսզի հենց նրանք դառնան գործատուներ:

Խոսելով երրորդ մոտեցման մասին՝ Ա. Մարտիրոսյանն ընդգծել է ձեռնարկատիրությունը խթանող երիտասարդական ծրագրերի մասին տեղեկատվական պորտալների գործարկման անհրաժեշտությունը, որոնք հնարավորություն կտան էլ ավելի մեծ թվով երիտասարդների հաղորդակից դարձնելու ազգային և վերազգային մակարդակով իրականացվող աջակցման ծրագրերին: «Այս համառոտ ցանկանում են նշել, որ քանի որ ԵԱՏՄ-ն կոչված է միավորելու անդամ պետությունների տնտեսական և իրավական տարածությունները, ստեղծելու մարդկային կապիտալի, աշխատանքային ռեսուրսների ազատ տեղաշարժի հնարավորություններ, արդյունավետ կլինի ԵԱՏՄ և ԱՊՀ երկրներում ստեղծել միասնական երիտասարդական պորտալներ, որտեղ կտեղադրվեն երիտասարդական ձեռնարկատիրության խթանման ու երիտասարդության մասնակցության աճին ուղղված բոլոր ազգային և վերազգային ծրագրերը»,- ասել է նա:

Ֆորումի առանցքային իրադարձությունը լիագումար նստաշրջանն էր: Ռազմավարական քննարկումների շրջանակում մշակվել են երիտասարդական ձեռնարկատիրության և պետական իշխանության մարմինների կողմից ոլորտի աջակցության նախաձեռնություններ:

Ֆորումի շրջանակում ՀՀ ԿԳՄՍ նախարարի տեղակալ Արթուր Մարտիրոսյանը և երիտասարդական քաղաքականության, լրացուցիչ և շարունակական կրթության վարչության գլխավոր մասնագետ Վերոնիկա Խորասանյանն այցելել են Սոչիի «Գաղափարների ծով» կենտրոն, որտեղ, ի թիվս մի շարք ծառայությունների, տարատեսակ ծրագրերի միջոցով աջակցություն է տրվում երիտասարդներին սեփական բիզնես գաղափարներն իրականություն դարձնելու համար:

ՀՀ ԿԳՄՍ ներկայացուցիչներն այցելել են նաև Սոչիի «Երիտասարդների տուն» երիտասարդական կենտրոն, ծանոթացել կենտրոնի հնարավորություններին, ծանոթություններին, աշխատանքային մեթոդաբանությանը:

ՄՇԱԿՈՒԹԱՅԻՆ

ՔՈՒԹԱՆՋՅԱՆԻ ՈՐԴԻՆ ՄԱՆՐԱՄԱՄՆՈՒՄ Է

Հունիսի 13-ին ՀՀ ժողովրդական արժանատիության և քաղաքացիական արժանատիության օրը կառավարությանը քաղաքային դասընթացում սեղի ունեցավ արժանի հուշարձանի բացման արարողությունը: «Ժողովուրդ» օրաթերթն այս ամենի մասին գրուցել է արժանի որդու՝ Մայիլ Բոթանջյանի հետ:

-Պարոն Բոթանջյան, կպատմե՞ք հուշարձանի մասին: ՌՎ է հեղինակը:

-Հեղինակը շնորհալի երիտասարդ Ջամկ Սարգսյանն է, որը տարբեր մրցույթներում գրավել է պատվավոր հորիզոնականներ: Արեցինք ամեն բան, որպեսզի համահունչ լինի Ռաֆայել Բոթանջյանին, իր կերպարին, քանի որ նա շատ լուսավոր անձնավորություն է եղել:

-Ռաֆայել Բոթանջյանի հետ կապված ի՞նչն էք ամենաշատը վերհիշում և կարողանում:

-Ինքը այնքան մեծ էներգիայով անձնավորություն էր, որ ամենաշատը, երեւի թե, կարողանում էմ իր էներգիան, որը քաղաքից է պակասել:

-Մահից մեկ տարի անց ի՞նչ կորցրեց հասարակությունը:

-Վառ անհատականություն, որը շատ պետքական էր մեր ժողովրդին: Շատ սրտացավ անձնավորություն էր Ռաֆայել Բոթանջյանը, և իր ամենամեծ ցանկությունն այն էր, որ հայ ժողովուրդը լավ լինի, լինի ուրախ և երջանիկ: Ցավոք սրտի, անցյալ 2 տարիների ընթացքում մենք շատ հայրենասեր մարդկանց կորցրինք:

-Ի՞նչ էք անում, որ հանրությունը հիշի իրեն և իր աշխատանքը:

-Ինքը հեռատես անձնավորություն էր, և իրենից հետո ինձ մոտ կան բավականաչափ ինֆորմացիա և արխիվային նյութեր, որոնցով համատեղել և բեմադրել եմ այս նախագիծը, որը ամսի 18-ին կխաղանք կինոյի տան դահլիճում: Ռա հուշ-ե-

րեկ է, որը, կարծում եմ, որ պիտի լինի շարունակական:

-Մտածել էք թանգարան կամ թատրոն բացելու մասին:

-Թատրոն բացելու մասին հայրս էր մտածում, և ունի պահպանված շատ գրառումներ, որոնք ուզում էր իրագործել, սակայն չհասցրեց:

Իսկ թանգարանն արդեն մտածել ենք: Կինոտան առաջին հարկում, Հարություն Խաչատրյանի նախաձեռնությամբ, բացվել է «Հայֆիլմ»-ի թանգարանը, և ամսի 18-ին այստեղ բացվելու է Ռաֆայել Բոթանջյանի անկյունը, որտեղ կլինի իր մանկիկները և այն ամենը, ինչ կապված է իր հետ: Մ. Բոթանջյանը նշեց, որ հուշարձանի բացմանը ներկա են լինելու ինչպես անձանդներ, որոնք սիրում են գնահատում են Ռաֆայել Բոթանջյանին, այնպես էլ ընտանիքի անդամները, ընկերները, գործընկերները և առաջին անգամ նաև թոռնիկները:

Ջրուցեց ԻՆԵՍԱ ՍՈՒԲԻԱՅԱՆՈ

«Ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ԵՐԱԺՇՏԱԿԱՆ ԵՐԵԿՈ

ԵԼՈՒՅԹ՝ ԶԱԶԱՅԻՆ ՀԱՄԵՐԳԻՆ

Լեոն Մալխասյանը, Մհեր Համբարձումյանը եւ Արսյոն Լալայանը ելույթ են ունեցել Ռուսաստանի օրվան նվիրված ջազային համերգին: Հայկական ջազի աստղերը երևանյան հանդիսասեսին են ներկայացրել հայ, ռուս եւ այլ երկրների կոմպոզիտորների լավագույն ստեղծագործությունները Ռուսաստանի օրվան նվիրված երաժշտական երեկոյի ընթացքում:

Երեւանում «Դոմ Մոսկվի» մոսկովյան մշակութաֆորձարարական կենտրոնից տեղեկացնում են, որ միջոցառումը նախաձեռնել էր «Դոմ Մոսկվի»-ն՝ Մոսկվայի կառավարության, Մոսկվա քաղաքի արտաքին տնտեսական եւ միջազգային կապերի դեպարտամենտի եւ ՀՀ կրթության, գիտության, մշակույթի եւ սպորտի նախարարության աջակցությամբ:

«Երեւանում «Դոմ Մոսկվի» կենտրոնը ակտիվ գործակցում է տարբեր ժանրերում ստեղծագործող մշակութային գործիչների եւ երաժիշտների հետ: Այս տարի լրանում է հայկական ջազի 70-ամյակը, որոշեցինք մայրաքաղաքի հանդիսատեսին նվիրել ջազ երաժշտության համերգ: Հայ կատարողները հայտնի են ամբողջ աշխարհում, այդ թվում նաեւ Ռուսաստանում, որտեղ նրանք հաճախ են ներկայանում ռուս ջազմենների հետ: Այս միջոցառումը կոչված է կրկին ցույց տալու մեր մշակույթների ընդհանրությունը», - նշել է Երեւանում «Դոմ Մոսկվի» կենտրոնի գլխավոր տնօրեն Վահրամ Կարապետյանը:

«Երեւանում «Դոմ Մոսկվի» կենտրոնի եւ նրա գլխավոր տնօրեն Վահրամ Կարապետյանի հետ վաղեմի ընկերներ ենք: Տարիներ շարունակ մենք սերտ գործակցում ենք: Համերգին ելույթ ունենալու հրավերին պատրաստակամորեն արձագանքեցի, քանի որ գիտեի, որ ամեն ինչ լինելու է բարձր մակարդակի վրա: Այսօրվա հանդիսատեսի համար կատարեցի Առնո Բաբաջանյանի ստեղծագործությունը, որը բարեկամության խորհրդանիշ է կապող օղակ է հայ եւ ռուս ժողովուրդների միջեւ: Իսկ երկրորդ կոմպոզիցիան նվիրեցի իմ հեռակա ուսուցիչ Օսկար Փիթերսոնի հիշատակին», - ասել է Զազա Մանուկյանը:



Է ՀՀ ժողովրդական արտիստ, ջազմեն, կոմպոզիտոր եւ երաժիշտ Լեոն Մալխասյանը:

Ըստ աղբյուրի՝ համերգին ելույթ է ունեցել նաեւ Մհեր Համբարձումյանը՝ լեգենդար ծանրորդ, աշխարհի ռեկորդակիր Սերգո Համբարձումյանի որդին: Մհեր Համբարձումյանի երգացանկում կան բազմաթիվ կատարումներ Ֆրենկ Սինատրայի երգացանկից: Զազային երեկոն համընկել էր Մհերի ծննդյան տարեդարձի հետ:

«Ուրախ եմ, որ հանգամանքների բերումով Ռուսաստանի օրվան նվիրված համերգը համընկավ իմ ծննդյան օրվա հետ: Ավելի քան 50 տարի ապրում եւ ստեղծագործում եմ Մոսկվայում, ուրախ եմ այստեղ լինելու համար, շատ ոգեւորեցի հանդիսատեսի ջերմ ընդունելությունը», - ընդգծել է Մհեր Համբարձումյանը:

Երեկոյի ընթացքում ելույթ են ունեցել ջազ տրիոն՝ կոմպոզիտոր եւ երաժիշտ Գարիկ Սարիբեկյանի գլխավորությամբ, «Զազա հայկական ակցենտով» նախագծի հեղինակ, կոմպոզիտոր Արտյոմ Լալայանը, Նիկ Տեր-Յովհաննիսյանը (կիթառ), Արեգ Կարախանյանը (սաքսոֆոն), վոկալիստներ Սոնա Ումրոյանը եւ Արման Վարդանյանը:

Նշվում է, որ համերգին ներկա են եղել Հայաստանում հավատարմագրված դիվանագիտական առաքելությունների, ՀՀ պետական կառույցների եւ ռուսական կազմակերպությունների ղեկավարներ եւ ներկայացուցիչներ, մշակույթի գործիչներ:

Նշվում է, որ համերգին ներկա են եղել Հայաստանում հավատարմագրված դիվանագիտական առաքելությունների, ՀՀ պետական կառույցների եւ ռուսական կազմակերպությունների ղեկավարներ եւ ներկայացուցիչներ, մշակույթի գործիչներ:

ԱՐՏԱՍԱՐՄԱՆ

«ՊՌԵԳՆՍԵՆ»-Ը՝ ՄԻՋԱԶԳԱՅԻՆ ԸՆԴՀԱՆՈՒՄ

Երգչուհի Սիրուշուն իր ինստագրամյան էջում հրապարակել է տեսանյութ, որտեղ պատմում է «Պրեգնսեն» միջազգային շուկա մտցնելու մասին:

«Սա մեր 2-րդ նորաձեւության շաբաթն է: 1-ինը Նյու Յորքում էր, իսկ հիմա մենք Փարիզում ենք եւ շատ ուրախ ենք լինել այստեղ: Մենք մեծ պահանջարկ ունեցող գարդերի բրենդ ենք Հայաստանում, եւ սա մեծ հնարավորություն է մեզ համար, որպեսզի մտնենք միջազգային շուկա», - նշել է նա:

ԱԳՐԻԱՆԱ

ԼԻՄԱՅԻ

ԿԵՐՊԱՐՈՒՄ

Հայազգի դիզայներ Ալեքսանդր Սիրադեղյանը շնորհավորել է բրազիլացի մոդել Ադրիանա Լիմային (որը հունիսի 12-ի տոնում էր ծննդյան 42-ամյակը)՝ հրապարակելով գեղեցկուհու լուսանկարը, որում Victoria's Secret-ի նախկին «հրեշտակը» կրում է դիզայների հեղինակած կոշիկներից: Լիման Սիրադեղյանի «Աշխարհն առանց սահմանների» հավաքածուի նմուշներից մեկով է՝ ԱՄՆ-ի դրոշմի պատկերով: «Շնորհավոր ծնունդդ, իմ գեղեցիկ ընկեր», -ինստագրամյան Story-ում գրել է Ալեքսանդր Սիրադեղյանը: Աշխարհահռչակ մոդելն իր էջում կիսվել է դիզայների մադալանով: Ռուսաստանում հայտնի դիզայներ Ալեքսանդր Սիրադեղյանը վաղուց «գրավել է» ռուսական շոու-բիզնեսի աստղերին իր ստեղծած յուրահատուկ ու թրեյդմարկի կոշիկներով: Նրա հայտնի հաճախորդների թվում են Քսենիա Սոբչակը, Քրիստինա Օրբակայտեն, Լեւա Լեոնովայան եւ այլք: Ալեքսանդրը «համախմբել է» նաեւ ամբողջ աշխարհին 2020 թ-ին ստեղծված իր «Աշխարհն առանց սահմանների» կոշիկների հավաքածուի շուրջ, որոնցից յուրաքանչյուրն իր վրա կրում է որեւիցե երկրի դրոշմ:

ՄԱՀԱՑԵԼ Է

ՀԱՅՏՆԻ

ԳԵՐԱՄԱՆԵԸ

Ամերիկյան հայտնի դերասան Թրիթ Ուիլիամսը, որ հայտնի է «Մազեր» մյուզիքլից եւ «Էվերլուդ» սերիալից, 71 տարեկան հասակում մահացել է ավտոկարի հետեւանքով: Այս մասին հաղորդում է «Արմենպրես»-ը՝ վկայակոչելով BBC-ն: Նշվում է, որ վթարը տեղի է ունեցել Վերմոնտում հունիսի 12-ին. արտաճանապարհային մեքենան հարվածել է դերասանի մոտոցիկլետին: Ուիլիամսին ծանր վնասվածքներով ուղղաթիռով հասցրել են հիվանդանոց, սակայն այնտեղ հասնելիս արձանագրվել է նրա մահը: Իր 50 տարեկան դերասանական կարիերայի ընթացքում Թրիթ Ուիլիամսը նկարահանվել է նաեւ «Մի անգամ Ամերիկայում», «Ինչ անել Դենվերում մահվանից հետո», «Մեռած ոստիկանը» ֆիլմերում: Նա առաջադրվել է «Էմմի» մրցանակի 1996 թ.-ին լույս տեսած «Կեսգիշերային հերթափոխ» ֆիլմում կատարած դերի համար, իսկ 1980-ականներին արժանացել է երեք «Ոսկե գլոբուս» մրցանակների:

ՄԻՋԱԶԳԱՅԻՆ ՓԱՌԱՏՈՆ

ՀԱՅՏՆԻ Է «ՈՍԿԵ ԾԻՐԱՆ»-Ի ԲԱՅՄԱՆ ՕՐԸ

Երեւանի «Ոսկե ծիրան» հոբելյանական 20-րդ միջազգային կինոփառատոնն այս օրի սերի սեզի կունենա հուլիսի 9-16-ը:

Այս տարի եւս միջազգային կինոտոնը հանրությանը կներկայացնի մրցութային կինոնկարներ աշխարհի տարբեր երկրներից, ինչպես նաեւ «Երեւանյան պրեմիերաներ» ծրագրով կցուցադրվեն ֆիլմեր ամենահեղինակավոր (Կաննի, Բեռլինի, Վենետիկի եւ այլն) կինոփառատոններից: Հայաստան կժամանեն կինոյի համաշխարհային դեմքեր, որոնք իրենց փորձն ու արվեստը կներկայացնեն կինոսերներին: «Ոսկե ծիրան»-ը այս տարի նշում է ստեղծման 20-րդ հոբելյանը: Բացի այդ, այս տարի նշվում է հայ կինոյի 100-ամյակը, եւ փառատոնն առանձնահատուկ անդրադարձ կունենա այդ երկու հոբելյաններին:



● Հունիսի 15-ին Հ. Պարոնյանի անվան երաժշտական կոմպոզիտորի պետական թատրոնում տեղի կունենա «Սիրային իրարանցում» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՍՅՈՒՆԷ ՀԱՍՏԱՏՈՒՄՅԱՆԻ

ՖԻՆԱՆՍՆԵՐ

ՀԱՐՑ. Ինչպե՞ս կարող եմ սահմալ խաղասան կազմակերպման լիցենզիա:
Արտակ Չամբարձումյան (42 տարեկան)



ՊԱՏԱՍԽԱՆ. Խաղատան կազմակերպման լիցենզավորումն իրականացվում է «Լիցենզավորման մասին», «Պետական տուրքի մասին», «Շահումով խաղերի, ինտերնետ շահումով խաղերի եւ խաղատների մասին» Հայաստանի Հանրապետության օրենքների եւ Հայաստանի Հանրապետության կառավարության 2004 թվականի հուլիսի 29-ի «Շահումով խաղերի, ինտերնետ շահումով խաղերի եւ խաղատների մասին» Հայաստանի Հանրապետության օրենքի կիրարկումն ապահովելու մասին» թիվ 1164-Ն որոշման համաձայն: Խաղատան կազմակերպման լիցենզիան տրամադրվում է անժամկետ: Լիցենզիան տրամադրվում է նախատեսված բոլոր փաստաթղթերը ներկայացնելուց հետո՝ 23 աշխատանքային օրվա ընթացքում (լիազոր մարմնի որոշմամբ կարող է երկարաձգվել եւս 23 աշխատանքային օրով)՝ վիճակախաղերի, շահումով խաղերի, ինտերնետ շահումով խաղերի եւ խաղատների լիցենզավորող հանձնաժողովի եզրակացության հիման վրա:

ՀՀ ֆինանսների նախարարություն

«ԺՈՂՎՈՐԳ». Հայտատուները խաղատան կազմակերպման լիցենզիա ստանալու համար Հայաստանի Հանրապետության ֆինանսների նախարարություն են ներկայացնում հայտը եւ փաստաթղթերը, որոնք կարող են ներկայացվել առձեռն, փոստով կամ էլեկտրոնային տարբերակով: Հայտատուները կարող են լիցենզիա ստանալու համար անհրաժեշտ փաստաթղթերը ներկայացնել էլեկտրոնային տարբերակով՝ համաձայն Հայաստանի Հանրապետության կառավարության 2010 թվականի սեպտեմբերի 24-ի թիվ 1283-Ն որոշման:

ՄԻԳՐԱՑԻԱ

ՀԱՐՑ. Աղասան հայցողների մասին տեղեկությունը գաղտնի՞ է:
Աննա Գալստյան (47 տարեկան)



ՊԱՏԱՍԽԱՆ. Ապաստան հայցողների հայտնած տեղեկությունները գաղտնի են: Դրանք չեն հաղորդվում իրենց երկրների իշխանություններին՝ ներառյալ դեսպանատներին, կամ որեւէ այլ անձի: Այդ տեղեկությունները այլ անձանց կարող են տրամադրվել միայն ապաստան հայցողի գրավոր համաձայնության դեպքում: Հարցազրույցի գաղտնիությունը երաշխավորված է «Անձնական տվյալների պաշտպանության մասին» ՀՀ օրենքով:
«Փախստականների եւ ապաստանի մասին» ՀՀ օրենքի համաձայն՝ ապաստանի շնորհումը պետական մարմինների կողմից պետք է դիտարկվի Հայաստանի Հանրապետության միջազգային պարտավորությունների ներքո, եւ սույն օրենքի կամ ապաստանի եւ փախստականների վերաբերյալ Հայաստանի Հանրապետության այլ օրենսդրական ակտերի կիրառման ընթացքում որեւէ պարագայում չպետք է ապաստան հայցողի կամ փախստականի մասին տեղեկություններ փոխանակվեն նրա քաղաքացիության կամ նախկին մշտական բնակության երկրի իշխանություններին հետ:

ՀՀ ՆԳՆ միգրացիայի եւ քաղաքացիության ծառայություն

«ԺՈՂՎՈՐԳ». Պետական մարմնի կողմից տեղեկատվության փոխանցումը զանգվածային լրատվական միջոցներին միջնորդավորված կերպով հանգեցնում է վերը նշված օրենքի խախտմանը, ուստի նման ցանկացած հայտ մերժվում է Միգրացիոն ծառայության կողմից:

ՏԵՂԵԿԱՅՎԱԾ

ԼՈՒՐ ԿԱԴՐ

Լուսանկարը՝ համացանցից



Եղանակային անբարենպաստ պայմաններ. Գեղարքունիքի մարզում պտտահողմ է եղել եւ կարկուտ տեղացել:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+ 8 + 13 + 18 + 23	☀	Արարատ	+ 17 + 20 + 30 + 33
☀	Կոտայքի լեռներ	+ 9 + 12 + 18 + 22	☀	Արմավիր	+ 16 + 19 + 30 + 32
☀	Կոտայքի նախալեռներ	+ 15 + 17 + 26 + 29	☀	Վայոց ձորի լեռներ	+ 8 + 12 + 18 + 21
☀	Գեղարքունիք	+ 10 + 15 + 20 + 22	☀	Վայոց ձորի նախալեռներ	+ 17 + 19 + 30 + 32
☀	Լոռի	+ 10 + 16 + 19 + 22	☀	Սյունիքի հովիտներ	+ 19 + 22 + 30 + 34
☀	Տավուշ	+ 13 + 17 + 22 + 26	☀	Սյունիքի նախալեռներ	+ 11 + 16 + 21 + 24
☀	Արագածոտնի լեռներ	+ 8 + 11 + 18 + 21	☀	Արցախ	+ 19 + 22 + 30 + 34
☀	Արագածոտնի նախալեռներ	+ 15 + 18 + 26 + 30	☀	Երեւան	+ 17 + 19 + 29 + 31

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 13.6.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: